



2021-mi avaleraasartootassat ammassassuartassallu agguarnerisa aalajangiivigineqarneri

Naalakkersuisut Tunumi avaleraasartootassat ammassassuartassallu maajip 14-anni 2021-mi aalajangerpaat.

Avaleraasartuut 60.000 tonsit
Ammassassuit 25.000 tonsit

Avaleraasartootassat ammassassuartassallu agguarnerisa aalajangiivigineqarneri pillugit Naalaakkersuisut juunip 3-anni 2021-mi aalajangiippat.

Aalajangiineq piffissaritinneqartup killeqartup iluani aaqqiineruvoq 2021-imi Inatsisartunut qinersisoqarnera pequtaalluni.

Avaleraasartuut

2021-mi avaleraasartootassat ima aalajangiivigineqarput:

- Pisassiissutit 60.000 tonsit ingerlatseqatigiiffinnut kalaallit aalisariutaattut akuerineqarsimasunut agguanneqassasut¹. Pisassiissutit kalaallit aalisariutaataannut Tunumi 2021-mi avaleraasartooriarnermi atorneqarnissaannik pilersaaruteqartunut assigiimmik agguanneqassasut.
- 60.000 tonsinit agguanneqartunit tamarmiusunit amerlanerpaamik 40 procentit aalisariutinit attartukkanit aalisarneqarsinnaassasut, tassa amerlanerpaamik 24.000 tonsit aalisariutinit nunanit allani attartukkanit aalisarsinnaassaapput. Taamaaliornikkut taamaallaat ingerlatseqatigiiffiit Kalaallit Nunaanneersunik aalisariutaatillit pisassiissutimik aalisarnissaannut aalisariutinik attartorsinnaassaapput.
- Tunumi avaleraasartuunik pisassiissutit 60.000 tonsiutit amerlanerpaamik 20 procentit nunat tamat imartaanni aalisarneqarsinnaassasut. Tassa avaleraasartuut amerlanerpaamik 12.000 tonsit nunat tamat imartaanni aalisarneqarsinnaassasut. Aalisarneq taamaallaat kalaallit aalisariutaataannut naatsorsuussaassaaq. Nunat tamat imartaanni piffissat aalisarfiusinnaasut:
 - o Aalisarsinnaanermut akuersissutip tunniunneranit juunip 30-at ilanngullugu
 - o Aamma septembarip aallaqqaataanit.
 - o Imaluunniit ingerlatseqatigiiffiup Kalaallit Nunaata imartaani avaleraasartuunik pisassiissutimi minnerpaamik 80 procentii aalisareerpagit, siusinnerpaamilli aggustip 20-at.
- Tunumi avaleraasartuunik pisassiissutit tamakkiisumik septembarip aallaqqaataani aalisarneqarsimangippata APN agguasseqqissaaq, taamaalilluni pisassiissutit sinneruttut (12.000 tonsit) aalisariutinut avaleraasartooriartunut nunat tamat imartaanni avaleraasartooriarnissamik kissaateqartunut agguanneqassapput. assigiimmik pisassiinermi pisassiissutit amerlassusaat apequtaavoq, amerlanerpaamilli kalaallit aalisariutaataannut ataasiakkaanut 1.100 tonsit.
 - o Aalisariutinut nunat tamat imartaanni aalisarnissamik kissaateqartunut assigiimmik pisassiinerup kingorna sinneqassappata sinneri pisassiissutit pissamaatit immikkoortinneqassapput. Pisassiissutit amerlassusaat APN-ip

¹ Kalaallit angallataat akuerineqartut nassuiaasersorneqarput tassaasut kilissatit kilisaatillu qeriterisut ikerinnarsiortunik aalisatut, Aalisarsinnaanermut akuersissutit pillugit nalunaarummi § 23 naapertorlugu APN-imit januaarip aallaqqaatani akuerineqarnikut.

07-06-2021
Sags nr.: 2021 - 383
Akt nr.: 16988090

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

ingerlateqatigiiffinnut nunat tamat imartaanni assigiimmik pisassiissutiminnik tamarmiusunik aalisarsimasunut pisassiissutigineqassapput.

Ammassassuit

2021-mi ammassassuartassat ima aalajangersaavigineqarput:

Ingerlatseqatigiiffinnut avaleraasartoortassanik tunineqarsimasunut ammassassuartassat immikkoortinneqarput.

- Aalisarsinnaanermut akuersissummut ataatsimut ammassassuarnik pisassiissutit amerlanerpaamik 40 procentii aalisariutinit attartukkanit aalisarnejarsinnaassasut. Taamaalilluni taamaallaat ingerlatseqatigiiffiit Kalaallit Nunaanneersunik aalisariutaatillit pisassiissutit taakku aalisarnissaannut aalisariummik allamik attartorsinnaassapput.

Aalisariutit 2021-mi avaleraasartoornermi aamma ammassassuarniermi nunanit allanit attartorneqartut

Aalisariutit avaleraasartoorniutitut aamma ammassassuarniutitut attartorneqartut nunanit NAFO-mi, NEAFC-imi ilaasortaneersuussapput imaluunniit nunani umiarsualiveqarfiusuni oqartussaanerup iliuuseqarfigineqarnissaa pillugu isumaqatigiissutaanut ilaasuussaallutik, tassa aalisarnermi aalajangersugaanngitsumik unioqqutitsisumik, nalunaaruteqartannginnermut killilersugaanngitsumillu aalisarnermik pinaveersaartitsisussatut isumaqatigiissummut ilaasuninngaanneertuussapput (IUU-aalisarnej)².

Agguaasseqqinneq

Tamanna pisariaqartinneqalissappat aalisarnerup ingerlanerani avaleraasartoortassat ammassassuartassallu agguataaqqinnissaannut Aalisarnermut Piniarnermullu Naalakkersuisoq piginnaatitaavoq.

Qinnuteqarneq

Qinnuteqarnermi avaleraasartuunut ammassassuarnullu immersuiffissaq Sullissivimmeersoq atorneqassaq.

Qinnuteqarfissaq ulloq kingulleq tassaavoq juunip 14-at 2021. Qinnuteqaat sullissivikkut nassiunneqassaaq imaluunniit nassiunneqassaaq uunga apn@nanog.gl

² Nunat isumaqatigiissummut atsiogataasut uani atuarnejarsinnaapput http://www.fao.org/fileadmin/user_upload/legal/docs/037s-e.pdf